

Is al all seggt, man noch nich van elkeen

IN D' LUUR

Karin Böhmer

redaktion@on-online.de



Is al all seggt, man noch nich van elkeen. Na disse Klookheid löppt dat in de Politik. Een stellt en Andrag, man daar köönt de anner Parteen ja nich einfach so Ja to seggen. Dat hört sük nich in en rechtschappen Parlament. Dat giffet alltied noch'n annern Padd na d' Glück. Futt word de nächste Andrag schreven. In't Raadhuus stapeln sük de Papieren denn. Kannst nich Baas över blieven. In Südbrookmerland sünd de Raadslüü daar fix in. In Auerk köönt se't noch beter. As Ingeborg Hartmann-Seibt (SPD) seggt, hebben de Parteen al över 30 Andragen to dat Thema „Wohnen för lüttjet Geld“ ofgeven. Elke Klottje sleit wat vör. Dat sall nu tosamenfaat un ofstimmt worden. Kann ja bloot'n Mehrheit worden.